

L I G J

Nr.7908 , date 5.4.1995

PER PESHKIMIN DHE AKUAKULTUREN

Ne mbeshtetje te nenit 16 te ligjit nr.7491, date 29.4.1991 "Per dispozitat kryesore kushtetuese", me propozimin e Keshillit te Ministrave,

KUVENDI POPULLOR I REPUBLIKES SE SHQIPERISE

V E N D O S I :

KREU I

DISPOZITA TE PERGJITHSHME

NENI 1

Sfera e zbatimit te ligjit

Ky ligj zbatohet ne veprimtarine e peshkimit dhe te akuakultures qe ushtrohet ne ujerat dhe territorin e Republikes se Shqiperise.

NENI 2

Objekti

Dispozitat e ketij ligji kane per qellim :

- a. te sigurojne nje shfrytezim racional dhe te pergjegjshem te resurseve biologjike ujore dhe zhvillimin e akuakultures;
- b. te programojne administrimin ne sektoret e peshkimit dhe akuakultures;
- c. te sigurojne masat e ruajtjes(konservimit),per te garantuar tutelën e resurseve biologjike ujore;
- ç. te sigurojne nje zhvillim te qendrueshem te sektorit te peshkimit dhe akuakultures, si edhe kushte te mira social ekonomike per prodhuesit;
- d. te sigurojne kerkesat e konsumatorit per futjen ne treg te prodhimeve iktike te pershtateshme per konsum njerezor ;
- dh. nxitin e ndikojne ne kerkimin shkencor e teknologjik ne sektoret e peshkimit dhe te akuakultures.

NENI 3

Perkufizime

Ne kuptim te ketij ligji dhe per aktet nenligjore per zbatimin e tij:

- a. ne "ujera te Republikes se Shqiperise" perfshihen ujrat detare territoriale dhe cdo zone tjeter detare e rezervuar ekskluzivisht per Republikën e Shqiperise, ne baze te ligjit e te se drejtes nderkombetare, sikurse edhe lumenjte, liqenet, lagunat, basenet hidrografike dhe ujerat e tjera qe ndodhen ne territorin e Republikes;
- b. me "peshkim" kuptohet cdo veprimtari e drejtuar per zenien ose grumbullimin e organizmave ujore, pervec atyre qe rezultojne nga veprimtarite e akuakultures, pavaresisht nga mjetet e perdorura dhe synimet e arritura;
- c. me "peshkim profesional" kuptohet peshkimi qe kryhet kryesisht per qellime te shrytezimit ekonomik dhe me "peshkim sportiv" kuptohet peshkimi qe kryhet per qellime clodhese e defryese ;
- c. me "akuakulture" kuptohet mbareshtimi (kultivimi) i organizmave ujore, i drejtuar per shfrytezimin e tyre ekonomik;
- d. me "organizma ujore" kuptohen organizmat e gjalle ose jo, shtazore a bimore, te ngrenshem ose te pangrenshem qe kane ujin si mjedis te zakonshem ose natyror jetese, ku perfshihen peshqit, krustacete, molusket,

koralet, sfungjeret, amfibet , reptilet ujore, (mamiferet) gjitaret ujore, si dhe vezet , larvat e rasatet e tyre ose prodhime te tjera natyrore, me perjashtim te shpendeve;

dh. me "mjet lundrues" ne kuptimin e ketij ligji,kuptohet cdo lloj anije (barke) ose galexhant tjetër i pershtatshem per lundrim;

e. me "mjet lundrues shqiptar" kuptohet cdo lloj mjete lundrues ne pronesi te:

-nje personi fizik me shtetesi shqiptare dhe me banim ne Shqiperi;

-nje personi juridik, krijuar ne Republiken e Shqiperise sipas ligjeve ne fuqi ;

-nje enti te ndryshem nga nje person juridik, ku perfshihen ekskluzivisht persona fizike me shtetesi shqiptare dhe me banim ne Shqiperi;dhe e regjistruar ne Shqiperi sipas ligjeve e rregullave ne fuqi;

e. me "mjet lundrues te huaj" kuptohet cdo mjet lundrues i ndryshem nga ai i percaktuar ne piken "e";

f. me " subjekt te huaj" kuptohet cdo person fizik

me shtetesi jo shqiptare ose person juridik qe eshte themeluar sipas ligjit te nje vendi te huaj ;

g. me "ministri" dhe "minister" kuptohet perkatesisht Ministria dhe ministri , qe ka ne varesi sektorin e peshkimit dhe te akuakultures .

KREU II

ORGANET KONSULTATIVE

NENI 4

Komisioni konsultativ qendror per peshkimin dhe akuakulturen

1. Prane Ministrise ngrihet Komisioni konsultativ qendror per peshkimin dhe akuakulturen, si organ konsultativ i ministrit ne lemin e peshkimit dhe te akuakultures.

2. Terheqja e mendimit te Komisionit eshte e detyrueshme per problemet qe lidhen me shqyrtimin e ligjeve dhe te akteve nenligjore te peshkimit e akuakultures dhe propozimet per ndryshime te mundshme te tyre, si dhe me pershtatjen e planeve te peshkimit (neni 8, 9).

NENI 5

Perberja e Komisionit konsultativ qendror per peshkimin dhe akuakulturen

1. Komisioni konsultativ qendror per peshkimin dhe akuakulturen kryesohet nga ministri , ka ne perberje perfaqesues te Drejtorise se Peshkimit, te drejtorive te tjera te ministrise e te ministrive te tjera te interesuara, si dhe perfaqesues te veprimtarive prodhuese dhe eksperte ne lemin e peshkimit e te akuakultures.

2. Anetaret e Komisionit caktohen nga ministri per nje afat trevjecar .

3. Drejtori i Drejtorise se peshkimit prane ministrise kryen funksionet e nenkryetarit te Komisionit,kurse nje funksionar i po kesaj drejtorie kryen funksionet e sekretarit.

NENI 6

Komisionet konsultative lokale per peshkimin dhe akuakulturen

1. Prane autoriteteve administrative lokale,atje ku shihet e nevojshme, krijohen komisionet konsultative lokale per peshkimin dhe akuakulturen.

2.Komisionet lokale japin mendimet mbi ceshtjet e peshkimit dhe te akuakultures ne njesite e tyre administrative, sa here qe ministri ose Komisioni konsultativ qendror e konsiderojne te nevojshme .

3.Ministri vendos per lokalizimin e komisioneve lokale, percakton perberjen e tyre, si dhe emeron kryetarin e cdo komisioni.

NENI 7

Komisioni per koordinimin e kerkimit shkencor dhe teknologjik

1. Prane Ministrise krijohet komisioni per koordinimin e kerkimit shkencor e teknologjik te aplikuar ne peshkim dhe akuakulture.

Anetaret e komisionit caktohen nga ministri

2.Komisioni jep mendime per ceshtje qe lidhen me studimet e kerkimet me interes shkencor, teknik, statistik dhe ekonomik per peshkimin e akuakultures.

KREU III

NORMAT E PROGRAMIMIT

NENI 8

Plani i administrimit te peshkimit dhe akuakultures

Plani i administrimit te peshkimit dhe akuakultures pershtetet (rishikohet) periodikisht dhe permiresohet ne perputhje me normat e ketij ligji .

Ky plan perpunohet e pergatitet nga Drejtoria e Peshkimit prane ministrise, merret pelqimi i Komisionit qendror per peshkimin dhe akuakultures dhe miratohet nga ministri.

NENI 9

Plani i zhvillimit te peshkimit dhe akuakultures

Plani i zhvillimit te peshkimit dhe akuakultures eshte objekt i vecante i buxhetit te shtetit.

KREU IV

KERKIMI SHKENCOR

NENI 10

Autorizimi per kerkimin

Veprimtaria kerkimore ne lemin e peshkimit dhe te akuakultures ne ujerat e Republikes se Shqiperise behet me autorizimin e ministrise mbi bazen e mendimit te komisionit per koordinimin e kerkimit shkencor dhe teknologjik.

NENI 11

Entet e njohura te kerkimit

Ministria mund te njohet si ent kerkimi çfaredo subjekt privat qe ben kerkesen kerkesen, ne baze te verifikimit te kualifikimit dhe kapacitetit te tyre.

KREU V

TE USHTRUARIT E VEPRIMTARISE SE PESHKIMIT

NENI 12

Regjistri i peshkataveve profesioniste

Ministria krijon nje regjister te peshkataveve profesioniste prane zyrave te percaktuara prej saj dhe cilido qe kerkon te zhvilloje veprimtarine e peshkimit profesional, detyrohet te beje regjistrimin ne regjistrin e peshkataveve profesioniste, atestohet dhe pajiset me certifikaten perkatese.

NENI 13

Regjistri i mjeteve lundruese te peshkimit

1.Ministria krijon nje regjister te mjeteve lundruese te peshkimit prane zyrave ose organeve te percaktuara prej saj.

2.Cfaredo lloj mjeti lundrues qe perdoret per peshkim profesional, duhet te regjistrohet ne regjistrin e mjeteve lundruese te peshkimit.

NENI 14

Rregullimi i pragut te peshkimit

1.Numri maksimal i licencave te peshkimit dhe te akuakultures percaktohet cdo vit nga Ministria sipas planit te administrimit te peshkimit dhe te akuakultures.

2.Ministri mund te modifikoje numrin e licencave edhe ne kundershtim me treguesit e planit te administrimit te peshkimit dhe akuakultures mbi bazen e motiveve te specifikuara e te argumetuara.

NENI 15

Licenca e peshkimit profesional

1. Cdo mjet lundrues qe perdoret per peshkim profesional, duhet te pajiset me licence te peshkimit profesional.Gjithashtu me licence te peshkimit profesional duhet te paiset cilido qe zhvillon veprimtari peshkimi profesional pa perdorimin mjeteve lundruese.

2.Licenca e peshkimit profesional leshohet nga ministri,pas miratimit nga bordi i peshkimit,mbi bazen e kerkeses se pronarit ose te cilitdo qe kerkon te ushtroje veprimtari peshkimi profesional me nje mjet lundrues, ose pa perdorimin e mjeteve lundruese .

3. Zoterimi i mjeteve lundruese te peshkimit nuk perben kusht te mjaftueshem per te fituar te drejten e paisjes me nje licence te peshkimit profesional.

NENI 16

Kushtet dhe kohezgjatja e licences se peshkimit profesional

1.Ne leshimin dhe rinovimin e licences se peshkimit profesional ministria mund te imponoje kushte per secilen nga pikat e meposhteme:

- a) zona ku do te zhvillohet aktiviteti ;
- b) paisjet e peshkimit qe mund te perdoren ;
- c) paraqitja e informacioneve dhe e dhenave statistikore;
- c) detyrimi per te lejuar pranine dhe qendrimin e vrojtuesve te caktuar nga ministria ne bordin e anijes, per qellime te grumbullimit te te dhenave te ndryshme per peshkimin.

2. Licenca e peshkimit profesional ka nje kohezgjatje te specifikuar, sipas akteve nenligjore per zbatimin e ketij ligji.

Kohezgjatja duhet te jete e shenuar ne licence.

3. Peshkimi jashte ujerave te Republikes se Shqiperise behet me autorizim te vecante.

4. Licencat e peshkimit profesional, te vlefshme ne baze te dispozitave ekzistuese ne momentin e hyrjes ne fuqi te ketij ligji, mbeten te tilla deri ne afatin e skadimit te tyre.

5. Mjetet e peshkimit shqiptare te pajisura me licence te peshkimit profesional punesojne ekuipazh te perbere nga shtetas shqiptare. Prania e eksperteve te vecante te huaj ne bordin e mjetit te peshkimit autorizohet nga Ministria .

NENI 17

Licencat per veprimtarite e lidhura me peshkimin

Cilido qe kerkon te ushtroje veprimtari te lidhur me peshkimin, si transportimi, furnizimi i peshkut e organizmave te tjere ujore,si dhe sherbime te tjera per mjetet lundruese te peshkimit, duke perjashtuar ngarkesat (tranzite ne ujerat e Republikes se Shqiperise), trajtimin ose transformimin e prodhimeve peshkore,duhet te pajiset nga Ministria me licencen e duhur per veprimtarine. Kjo license leshohet nga Ministria ose nga ndonje organ tjeter i autorizuar prej saj

NENI 18

Marreveshje per peshkim

1. Qeveria e Republikës së Shqipërisë lidh marrëveshje me qeveritë e vendeve të tjera ose me organizma ndërkombëtare në fushën e peshkimit. Marrëveshjet përmbajnë tregues mbi licencat e peshkimit ose për veprimtaritë e lidhura me të .

2. Marrëveshjet mbi bazën e këtij neni duhet përcaktojnë detyrimet e palës tjetër për të garantuar respektimin e normave që zbatohen në peshkim në Republikën e Shqipërisë .

NENI 19

Liçenca e peshkimit për mjetet lundruese të huaja ose për veprimtari të lidhura me peshkimin për subjektet e huaja

1. Ministria leshon liçence për peshkimin ose për ushtrimin e veprimtarive që lidhen me të mjeteve lundruese ose subjekteve të huaja vetëm:

a. në baza të një marrëveshje ndërkombëtare në fuqi me shtetin që i përket mjeteve lundruese a subjekti i huaj; ose

b. në rastin kur leshimi i liçencës :

-qohet i dobishëm për ekonominë e Republikës së Shqipërisë dhe veçanërisht kur kërkuesi i kësaj liçence merr persiper për të bërë investime të dobishme në sektorin e peshkimit në Republikën e Shqipërisë, në përputhje me politikën dhe strategjinë e përcaktuar për zhvillimin e këtij sektori;

-është i nevojshëm për shfrytëzimin optimal të resurseve, duke patur parasysh kapacitetet kombëtare për peshkimin dhe zhvillimin e tyre ;

-të jete në përputhje me politikën e Republikën e Shqipërisë në lidhje me investimet e huaja dhe në mënyrë të veçantë me parashikimet e planit të administrimit të peshkimit dhe akuakultures.

2. Zoteruesi i një liçence të leshuar mbi bazën e këtij ligji, është subjekt që mbrohet nga legjislacioni i peshkimit dhe nga aktivitetet e lidhura me peshkimin, që janë në fuqi në Republikën e Shqipërisë.

3. Zoteruesi i një liçence, të leshuar mbi bazën e këtij neni, duhet të jete paraprakisht i njohur nga shteti përkatës dhe shteti ynë si person juridik.

NENI 20

Ndalohet dhënia e licencës mjeteve lundruese të huaja për peshkimin fundor (demersal) me trata tërheqëse (trata koce) dhe peshkimin e grumbullimit të moluskeve bivalvare (dykapakore).

NENI 21

Detyrimi për t'u kthyer në një port shqiptar

Cdo mjet lundrues shqiptar a e huaj, e pajisur me liçence për peshkimin profesional në ujërat e Republikës së Shqipërisë, është i detyruar të kthehet pranë një porti shqiptar pas veprimtarisë së peshkimit dhe para eksportit të mundshëm të organizmave ujore të peshkuar, për të kryer gjithë veprimet e kerkuara sipas ligjeve në fuqi.

NENI 22

Peshkimi i koraleve dhe i sfungjereve

Ndalohet peshkimi i koraleve dhe i sfungjereve. Për qëllime studimore e kërkimore ministri leshon autorizim të veçantë.

NENI 23

Peshkimi sportiv

1. Peshkimi sportiv pa përdorimin e mjeteve lundruese lejohet pa liçence. Liçenca e peshkimit sportiv me mjete lundruese leshohet nga ministri.

2. Peshkimi sportiv është i ndaluar:

- a) kur perdoren mjete lundruese te ndryshme nga ato qe percaktohen me aktet nenligjore per zbatimin e ketij ligji ;
- b) kur perdoren pajisje tipike te peshkimit profesional, ose te ndryshme nga ato qe percaktohen ne aktet nenligjore per zbatimin e ketij ligji;
- c) ne zona qe nuk jane te lejuara per peshkimin sportiv nepermjet akteve nenligjore per zbatimin e ketij ligji;
- c)kur perdoren pushke nenujore ne nje largesi me te vogel se 50 metra nga pajisjet e peshkimit profesional;
- d)kur perdoren pushke nenujore per mosha nen gjashtembedhjete vjec.

NENI 24

Ndalimet

1. Ndalohet:

a) te peshkohet:

- ne zona e periudha te ndaluara nga aktet nenligjore per zbatimin e ketij ligji ;
- me mjete lundruese, pajisje fikse ose te levizshme te ndaluara nga aktet nenligjore per zbatimin e ketij ligji

;

- organizmat ujore te llojeve te ndaluara nga aktet nenligjore per zbatimin e ketij ligji, per qellime te mbrojtjes se tyre ose per motive te tjera ;

- organizmat ujore me dimensione te ndaluara nga aktet nenligjore per zbatimin e ketij ligji;

- ne sasi me te medha se ato qe eventualisht fiksohen si sasi maksimale nga aktet nenligjore per zbatimin e ketij ligji;

- vezet, larvat e te vegjelit e cdo lloj organizmi ujor, pa autorizimin e nevojshem ose licencen e leshuar ne baze te akteve nenligjore per zbatimin e ketij ligji;

b) perdorimi i lendeve eksplozive, kimike e helmuese, i energjise elektrike, te afta te trullusin, paralizojne, ose vrasin organizmat ujore, edhe ne kuadrin e veprimtarise se akuakultures ;

c) te peshkohen organizmat ujore qe jane objekt peshkimi i te treteve, si dhe te peshkohet ne largesi me te vogla se ato te parashikuara nepermjet akteve nenligjore per zbatimin e ketij ligji nga pajisjet e mjetet e peshkimit te te treteve, pa konsensusin e perfituesit sipas ligjit;

ç) te mbahen, transportohen e tregetohen cfaredo lloj organizmash ujore te perfituara ne kundershtrim me kete ligj dhe me aktet nenligjore qe rrjedhin prej tij ;

d) te ndryshohet cilesia e ujrave dhe drejtimi i rrjedhes se tyre, ne menyre te tille qe mund te demtohet habitatit i organizmave ujore ose impiantet e akuakultures, pervec rasteve te autorizuar sipas ligjit .

2. Ndalimet e lartpermendura nuk jane te vlefshme per rastet e parashikuara nga aktet nenligjore per qellime te kerkimit shkencor.

NENI 25

Detyrimi per paraqitjen e te dhenave

Zoteruesi i nje licence te peshkimit profesional ose sportiv si dhe i aktivitetit te akuakultures, eshte i detyruar te jape me pergjegjesi te dhenat statistikore qe lidhen me veprimtarine e zhvilluar, sipas menyrave e kritereve qe percaktohen me aktet nenligjore ne zbatim te ketij ligji.

NENI 26

Autorizimi per futjen e organizmave ujore dhe per eksportin e importin e te vegjelve

1. Cilido qe kerkon te fuse organizma ujore ne ujerat e Republikes se Shqiperise, duhet te kerkoje nje autorizim te vecante te Ministrise, pervec rasteve kur kjo eshte e autorizuar ne nje licence te akuakultures te leshuar nga kjo ministri.

2. Cilido qe kerkon te importoje ose eksportoje veze, Olarva e rasate te cdo lloj organizmi ujor,duhet te pajiset me nje autorizim te vecante nga Ministria.

KREU VI

TE USHTRUARIT E VEPRIMTARISE SE AKUAKULTURES

NENI 27

Licenca e akuakultures

1. Veprimtaria e akuakultures lejohet me licence nga Ministria.

2. Licenca leshohet vetem kur zbatimi i projektit nuk shkakton efekte negative ndaj mjedisit dhe ndikon ne zhvillimin e ekonomise shqiptare. Ne bordin e dhenies se licencave te akuakultures marrin pjese edhe perfaqesues te Komitetit te Ruajtjes dhe Mbrojtjes se Mjedisit dhe ministrive te tjera, me te cilat lidhet veprimtaria ne fjale.

3. Planifikimi ne lemin e akuakultures behet mbi bazen e nje administrimi te integruar te interesave ekonomike dhe mjedisore me sektoret e tjere te interesuar dhe eshte subjekt i procedurave te vleresimit te mosperputhjeve mjedisore.

4. E drejta e perdorimit te tokave private per zhvillimin e veprimtarise se akuakultures fitohet ne menyre te vecante, ne perputhje me ligjet ne fuqi .

5. E drejta e perdorimit te tokave me pronesi shtetore per zhvillimin e veprimtarise se akuakultures percaktohet ne te njejten licence, pasi merret edhe mendimi i autoriteteve lokale kompetente per territorin ne fjale.

6. E drejta e perdorimit te sipërfaqeve ujore te Republikës së Shqipërisë për zhvillimin e veprimtarisë së akuakultures percaktohet ne te njejten licence te akuakultures.

7. Per rastet e pershkruara ne pikat 5 e 6 licenca tregon kushtet e qirase, pervec rasteve kur kjo eshte e parashikuar nga ligjet ne fuqi. Vleresimi i tokave shtetore per qellime te akuakultures klasifikohet ne nje kategori me tokat bujqesore sipas ligjeve ne fuqi .

NENI 28

Kushtet e licences se akuakultures

1. Ne leshimin ose rinovimin e nje licence te akuakultures ministria mund te imponoje kushte, ne lidhje me secilen pike qe vijon :

- a)struktura,pajisjet dhe mirembajtja e impianteve;
- b)zonat ku do te zhvillohet aktiviteti;
- c)sasia dhe cilesia e ushqimeve qe do te perdoren;
- ç)perdorimi i lendeve kimike;
- d)mbajtja e regjistrave dhe paraqitja e informacioneve;
- dh)sinjalizimi i semundjeve qe shfaqen;
- e)sasia, cilesia dhe llojet e te vegjelve qe mund te futen e perdoren ;
- e)shkarkimi i cfaredo lloj materiali nga impiantet;
- f)kontrolli i cilesise se ujit;
- g)transporti i peshkut;
- gj)domosdoshmeria e nje licence te vecante per veprimtarite e lidhura me akuakulturen ;
- h)kufizimi i zones ku do te zhvillohet veprimtaria;
- i)sigurimet e detyrueshme ;

2. Ne cdo rast Ministria sigurohet qe kerkuesi i licences te paraqese garanci te mjaftueshme per t'iu pergjigjur detyrimeve te veta.

NENI 29

Kohezgjatja e licences

1. Kohezgjatja e licences se akuakultures eshte deri ne 20 vjet dhe mbas mbarimit te afatit mund te rinovohet.

2. Ne licence parashikohen afatet brenda te cilave duhet te fillojne e perfundojne veprat per ushtrimin e veprimtarise. Ne cdo rast veprat duhet te perfundohen brenda tre vjeteve nga momenti i leshimit te licences.

NENI 30

Modifikimet

Cdo modifikim i strukturave, pajisjeve dhe mirembajtjes se impianteve duhet te autorizohet paraprakisht nga ministria.

KREU VII

ADMINISTRIMI I LAGUNAVE DHE ZONAVE TE TJERA UJORE E LIMITROFE

NENI 31

Marreveshjet per administrimin

1. Ministria perfundon marreveshje me subjekte publike e private per administrimin e lagunave ose zonave te tjera te ujerave te Republikes se Shqiperise, eventualisht edhe per zona limitrofe, me qellim qe te ruhet ekuilibri ekologjik dhe shfrytezimi racional i resurseve peshkore te ketyre zonave .

2. Marreveshjet shoqerohen me nje plan per administrimin e zones, ku specifkohet gjendja e resurseve dhe objektivat qe synohen te arrihen nepermjet ketij administrimi,te gjitha kushtet per zbatimin e tij, vecanerisht :

- a) percaktimi dhe kufizimi i zones ujore ose limitrofe per te cilen do te behet marreveshja ;
- b) kohezgjatja e marreveshjes ;
- c) percaktimi ne vecanti i detyrimeve qe ndermerr pala kontraktuese, si ndertimi i infrastrukturave ekzistuese, si dhe pagesat vjetore ;
- c) garancite qe ofron pala kontraktuese per respektimin e detyrimeve te veta ;
- d) te drejtat qe fiton pala kontraktuese per secilin nga resurset e zones, si per resurset peshkore e faunistike, ashtu edhe per zhvillimin e veprimtarise se akuakultures ;
- dh) masat qe percaktohen per te siguruar respektimin e se drejtes se peshkimit dhe te veprimtarive te tjera , qe tradicionalisht ushtrohen ne ate zone;
- e) detyrimet qe merr Ministria ne lidhje me administrimin e zones ;
- e) pasojat ne rastet e shkeljeve te dispozitave te marreveshjes nga secila pale .

3. Projekti i nje marreveshjeje,ne baze te ketij neni, duhet te publikohet dhe ne menyre te vecante tu behet i njohur rezidenteve te zones e autoriteteve lokale me mjete te pershtateshme nepermjet afishimit ne vende publike, publikimi ne shtyp e mjeteve te tjera te informacionit, ne menyre qe subjektet e interesuara te japin mendimet dhe verejtjet e tyre.

4. Afati i publikimit nuk duhet te jete me pak se tridhjete dite .

5. Verejtjet qe do te jepen nga cilido ne lidhje me projekt marreveshjen ne fjale, duhet te shikohen e vleresohen nga Ministria para perfundimit te marreveshjes. Vendimi qe do te merret, duhet te jete i motivuar dhe te publikohet.

KREU VIII

KOMPETENCA TE TJERA TE MINISTRISE

NENI 32

Rregulloret

Ministria harton, pershtat e miraton rregullore per zbatimin e ketij ligji, te cilat perfshijne:

- a) perberjen, funksionimin dhe detyra te vecanta te organeve konsultative qe krijohen ne baze te neneve 4, 6, e 7 te ketij ligji;
- b) modelet e kerkeses,te autorizimit dhe te licences, te parashikuara nga ky ligj ;
- c) kushtet per leshimin dhe rinovimin e autorizimeve te kerkimit ;
- c) kriteret dhe menyrat per njohjen e enteve kerkimore sipas nenit 10 te ketij ligji;
- d) kushtet, kerkesat dhe menyrat e regjistrimit ne regjistrin e peshkatareve sipas nenit 12 te ketij ligji, si dhe modelin e regjistrit dhe normat per mbajtjen e tij;
- dh) kualifikimet dhe titujt profesionale te personelit te punesuar ne peshkim dhe akuakulture, si dhe kriteret dhe menyrat e regjistrimit te tyre ;
- e) kushtet, kerkesat dhe menyrat e regjistrimit te anijeve te peshkimit sipas nenit 16 te ketij ligji;
- ë) kushtet per leshimin dhe rinovimin e licencave te peshkimit profesional e atij sportiv ;

- f) krijimin dhe mbajtjen prane ministrise te nje arkivi te licencave te peshkimit dhe te akuakultures
- g) detyrimet dhe menytrat e paraqitjes se relacioneve nga titullaret e autorizimeve te kerkimit;
- gj) detyrimet dhe menytrat e paraqitjes se informacioneve dhe te dhenave statistikore per peshkimin dhe akuakulturen, si dhe per shrytezimin ekonomik te prodhimeve te peshkimit e akuakultures
- h) ndalimet ne peshkim sipas nenit 24 ose ndalime te tjera, duke parashikuar edhe sanksione ne baze te ligjit;
- i) nderprerjen, anullimin, rinovimin ose refuzimin per rinovimin e licencave dhe autorizimeve te parashikuara nga ky ligj;
- j) peshkimin sportiv, e ne vecanti llojet, pajisjet, zonat, periudhat, ushtrimin e kesaj veprimtarie ne ujrat e brendshme, perdorimin e mjeteve lundruese, leshimin e licencave nga ana e shoqerive sportive ose ente te tjera, kushtet per perdorimin e pushkes nenujore ;
- k) taksat per licencat dhe autorizimet e parashikuara ne baze te ketij ligji ;
- l) kushtet higjieniko-shendetesore ne lidhje me organizmat ujore te peshkuar ose te prodhuar nga veprimtaria e akuakultures ;
- ll) sasite minimale vjetore qe do te peshkohen nga subjektet si kusht per rinovimin e licences ;
- m) te ushtruarit e akuakultures, e ne vecanti :
- strukturat, pajisjet, impiantet dhe mirembajtjen;
 - metodat e kultivimit ;
 - grumbullimin e te dhenave per akuakulturen ;
 - kontrollin e impianteve dhe te mjedisit ;
 - vendosjen gjeografike te impianteve ;
 - kredite lehtesuese ;
 - eksportin dhe importin e te vegjelve ;
 - taksat per marrjen me qira te zonave ujore te Republikes se Shqiperise dhe kushte te tjera ;
 - taksat per marrjen me qira te tokave shteterore dhe kushte te tjera ;
- n) organizimin e tregjeve te peshkut, e ne vecanti detyrimin per te paraqitur te dhenat statistikore per veprimtarine e zhvilluar ;
- nj) autorizimin e organeve administrative ose enteve te tjera per leshimin e licencave te parashikuara ne kete ligj ;
- o) emerimin dhe kompetencat e inspektoreve te peshkimit;
- p) redaktimin e proces verbaleve nga ana e inspektoreve te peshkimit dhe modularet perkates.

NENI 33

Kualifikimi profesional

1. Ministria jep mendimin e vet per pershtatjen dhe zbatimin e programeve ne lemin e disiplinave te zbatuara ne peshkim dhe akuakulture, qe zhvillohen ne shkolla ose ne kurse te ndryshme kualifikimi.
2. Ministria ne bashkepunim me Komisionin per kordinimin e kerkimit shkencor e teknologjik, kujdeset qe te krijohen kurse ne lemin e peshkimit e akuakultures per kualifikimin dhe formimin profesional.

KREU IX

KONTROLLI

NENI 34

Organet e kontrollit

Kontrolli per zbatimin e ketij ligji e rregulloreve qe rrjedhin prej tij, ushtrohet nga Inspektorati i peshkimit sipas nenit 36 te ketij ligji. Bashkepunojne per kete qellim Inspektorati i mbrojtjes se mjedisit, policia e rendit e financiare, kapitenerite e porteve, Forcat e armatosura dhe cdo organ tjeter qe ngarkohet nga qeveria.

NENI 35

Bashkerendimi

Ministria bashkerendon veprimtarine e organeve te kontrollit mbi peshkimin dhe akuakulturen.

NENI 36

Inspektorati i peshkimit

1. Krijohet Inspektorati i peshkimit, i cili eshte organi pergjegjes e kompetent per kontrollin e zbatimit te ketij ligji e te akteve nenligjore qe rrjedhin prej tij.

2. Inspektorati i peshkimit krijohet prane ministrise, si sektor brenda Drejtorise se peshkimit dhe ka zyra ne vende te ndryshme, ku shihet e nevojshme, me qellim qe te siguroje zbatimin e ketij ligji e te akteve nenligjore qe rrjedhin prej tij.

3. Struktura dhe organizimi i Inspektoratit te peshkimit percaktohet nga Keshilli i Ministrave, ne baze te propozimit te bere nga ministria.

4. Emerimi i cdo inspektori te peshkimit behet nga ministri, mbi bazen e propozimit te Drejtorise se peshkimit.

5. Kompetencat e inspektoreve te peshkimit percaktohen me vendim te Keshillit te Ministrave.

6. Ministri mund te autorizoj funksionare te vecante te Drejtorise se Peshkimit per te kryer funksionet e inspektoreve te peshkimit.

NENI 37

Detyrat dhe te drejtat e inspektoreve te peshkimit.

Inspektoret e peshkimit, sa here qe verejne shkelje te ketij ligji dhe te akteve nenligjore qe rrjedhin prej tij, kane detyre dhe te drejte te :

a) ndalojne fajtorin dhe eventualisht anijen, me te cilen eshte konstatuar shkelja, si dhe te kontestojne shkeljen;

b) kerkojne shkelesit gjeneralitetet ;

c) perpilojne procesverbalin, duke treguar gjeneralitetet e atij qe ka kryer shkeljen, dispozitat e shkelura, sendet qe eventualisht konfiskohen sipas pikes (f), licencen ose autorizimin e nderprere sipas pikes (g) mundesisht menjehere, por jo me vone se 15 dite nga konstatimi i faktit ;

d) ndalojne e cojne menjehere ne posten me te afert te policise personat e ndaluar, ne rast se refuzojn te japin gjeneralitetet e tyre ose kur dyshohet se ato jane te pasakta, si dhe ne rastet kur shkelja perben veper penale;

e) ne rastet kur shkelja perben veper penale, te bejne kallezim ne organet gjyqesore ;

f) sekuestrojne sendet e perdorura per kryerjen e shkeljes, ose qe jane pasoje e shkeljes, ne cdo rast sipas dispozitave ligjore qe lejojne organet e policise per sekuestrim, deri ne momentin e vendimit te Komisionit (neni 43) ;

g) nderpresin vlefshmerine e licences ose autorizimit te leshuar ne baze te ketij ligji, deri ne vendimin qe do te merret nga Komisioni per kete shkelje (neni 45).

NENI 38

Inspektimi dhe kerkesa e informacionit.

1. Inspektoret e peshkimit ne cdo moment mund te inspektojne mjetet lundruese, impiantet, stabilimentet dhe ekonomite e peshkimit e te akuakultures, vendet e depozitimit dhe te shitjes, mjetet e transportit te prodhimeve peshkore dhe pajisjet e peshkimit e t'i kerkojne kujtdo informacionin qe lidhet me keto, e se fundi te sqarojne respektimin e normave per disiplinen e peshkimit dhe te akuakultures.

2. Inspektoret e peshkimit ne cdo moment mund t'i kerkojne paraqitjen e licences ose te autorizimit te leshuar mbi bazen e ketij ligji e te akteve nenligjore qe rrjedhin prej tij, cilitdo qe zhvillon nje veprimtari, per te cilen keto licenca e autorizime jane te domosdoshme ne baze te ketij ligji .

KREU X

KUNDERVAJTJET, SANKSIONET DHE PERGJEGJESITE

NENI 39

Kundervajtjet administrative

A)

1. Cilido qe zhvillon veprimtari kerkimore pa autorizim sipas nenit 10, ose ne kundershtim me kushtet e percaktuara ne autorizim, denohet me gjobe nga 100 mije deri ne 300 mije leke.

2. Cilido qe ushtron ushtron peshkimin profesional pa qene i regjistruar ne regjister sipas nenit 12, denohet me gjobe nga 10 mije deri ne 50 mije leke.

3. Kur nje mjet lundrues perdoret per peshkim profesional pa qene i regjistruar ne regjistrin e mjeteve lundruese te peshkimit sipas nenit 13, pronari ose kapiteni i mjetit lundrues denohet me gjobe nga 50 mije deri ne 200 mije leke .

4. Cilido qe ushtron peshkim profesional pa mjete lundruese dhe nuk eshte i pajisur me licence sipas nenit 15, denohet me gjobe nga 100 mije deri ne 1 milion leke .

5. Kur nje mjet lundrues shqiptar perdoret per veprimtari te peshkimit profesional me metoden artizanale, pa qene i pajisur me licence sipas nenit 15, pronari ose kapiteni i mjetit lundrues denohet me gjobe nga 100 mije deri ne 1 milion leke.

6. Kur nje mjet lundrues shqiptar perdoret per peshkim profesional me metoden industriale, pa qene i paisur me licence sipas nenit 15, pronari ose kapiteni i mjetit lundrues denohet me gjobe nga 5 miljone deri ne 10 miljone leke.

7. Cilido qe ushtron peshkimin profesional ne kundershtim me kushtet e parashikuara ne licence, denohet me gjobe nga 500 mije deri ne 1 milion leke.

8. Cilido qe peshkon:

a) ne zona e periudha te ndaluara nga aktet nenligjore per zbatimin e ketij ligji ;

b) me mjete lundruese, pajisje fikse ose te levizeshme, te ndaluara nga aktet nenligjore per zbatimin e ketij ligji ;

c) organizma ujore te llojeve te ndryshme, te ndaluara nga aktet nenligjore per zbatimin e ketij ligji;

ç) organizma ujore te permasave te ndaluara nga aktet nenligjore per zbatimin e ketij ligji ;

d) ne sasi me te medha se ato te fiksuara si sasi maksimale nga aktet nenligjore per zbatimin e ketij ligji ose nga licenca e leshuar ;

dh) duke perdorur pajisje nenujore te ndaluara, denohet me gjobe nga 100 mije deri ne 3 milion leke .

9. Cilido qe peshkon veze, larva e te vegjel te cfaredo organizmi uJOR, pa qene i pajisur me autorizim, denohet me gjobe nga 100 mije deri ne 2 milion leke .

10. Cilido qe mban, transporton ose tregeton organizma ujore te perfituar ne kundershtim me kete ligj dhe me aktet nenligjore per zbatimin e tij, denohet me gjobe nga 10 mije deri 100 mije leke .

11. Cilido qe perveteson prodhimin e peshkimit te te treteve ose ne ndonje menyre tjeter shkel dispozitat e nenit 24, pika c , denohet me gjobe nga 5 mije deri ne 10 mije leke .

12. Cilido qe ndryshon cilesine e ujrave ose drejtimin e rrjedhes se tyre ne menyre te tille qe demton habitatin e organizmave ujore, pervec autorizimit ne baze te ligjit, denohet me gjobe nga 100 mije leke deri ne 2 milion leke .

13. Cilido qe peshkon korale e sfungjere denohet me gjobe nga 15 milion deri ne 20 milion leke dhe me konfiskimin e mjetit lundrues.

14. Cilido qe zhvillon veprimtarine e peshkimit sportiv me perdorim te nje mjeti lundrues, pa qene i pajisur me licence ose ne kundershtim me nenin 23, denohet me gjobe nga 5 mije deri ne 10 mije leke .

15. Cilido qe i jep nje pushke nenujore nje personi nen moshen 16 vjecare per te peshkuar, denohet me gjobe nga 5 mije deri ne 10 mije leke .

16. Cilido titullar licence te peshkimit profesional ose sportiv qe kundershon te paraqese informacionet qe kerkohen ne baze te ketij ligji e te akteve nenligjore per zbatimin e tij ose paraqet informacione joreale e te pasakta, denohet me gjobe nga 10 mije deri ne 50 mije leke .

17. Cilido qe zhvillon veprimtari akuakulture pa qene i paisur me licence ose ne kundershim me kushtet e parashikuara ne licence, denohet me gjobe nga 100 mije deri ne 500 mije leke .

18. Kur nje anije e huaj zhvillon veprimtarine e peshkimit ne ujerat e Republikes se Shqiperise pa qene e paisur me licence sipas nenit 19, ose ne kundershim me kushtet e licences, pronari ose kapiteni i mjetit lundrues denohet me gjobe nga 25 miljon deri ne 40 miljon leke .

19. Cilido qe zhvillon veprimtarite e lidhura me peshkimin pa autorizimin perkates, denohet me gjobe nga 100 mije deri ne 5 miljon leke. Kur perdoret mjet lundrues per zhvillimin e ketyre veprimtarive, pergjigjet per sanksionin pronari ose kapiteni i anijes .

20. Cilido qe nuk pranon a pengon inspektimet nga ana e organeve te kontrollit sipas nenit 34 ose kundershon t'u paraqese organeve te kontrollit licencat ose autorizimet e kerkuara ne baze te ketij ligji e te akteve nenligjore per zbatimin e tij, denohet me gjobe nga 100 mije deri ne 500 mije leke.

B)

Cilido qe perdor lende plasese, kimike e helmuese, energji elektrike te afta te trullosin, paralizojne ose vrasin peshqit e organizmat e tjere ujore, si dhe grumbullon, transporton e tregeton keto lloj prodhimesh, denohet sipas dispozitave te Kodit Penal .

NENI 40

Sanksione plotesuese

Per shkeljet e mesiperme te ligjit zbatohen edhe keto sanksione plotesuese :

a)konfiskimi i produkteve te peshkuara, me perjashtim te rastit kur kjo eshte kerkuar nga perfituesi sipas ligjit;

b)konfiskimi i mjeteve dhe pajisjeve te perdorura ne kundershim me dispozitat e ketij ligji e akteve nenligjore qe rrjedhin prej tij, si dhe konfiskimi i anijes e mjetit tjetër lundrues;

c)nderprerja e licences ose e autorizimit te leshuar ne baze te ketij ligji e te rregulloreve per zbatimin e tij per nje periudhe jo me te gjate se 6 muaj, e ne rast perseritje te se njejtes kundervajtje, deri ne nderprerjen e perhereshme te tyre .

ç)cregjistrimi nga regjistri i peshkataveve per nje periudhe jo me te gjate se 6 muaj, ose ne rast perseritje te se njejtes kundervajtje, deri ne nderprerjen e perhereshme te tij.

d)ne rastet e enteve te njohura te kerkimit, u hiqet statusi i institucionit te njohur te kerkimit .

NENI 41

Zhdentimi

1.E drejta per zhdentimin e demeve te shkaktuara ne rastet e shkeljeve te ketij ligji percaktohet mbi bazen e ligjeve ne fuqi.

2.Per kundervajtjet e parashikuara nga ky ligj, shteti i perfaqesuar nga ministri ka te drejten te kerkoje zhdentimin e demit .

NENI 42

Pergjegjesia civile

Pronari i mjetit lundrues, sipermarresi, kapiteni i mjetit lundrues ose subjekti i peshkimit dhe akuakultures jane personalisht e juridikisht pergjegjes per gjobat dhe kundervajtjet administrative te vendosura ndaj ndihmesve e vartesve te tyre per shkeljet e ketij ligji .

NENI 43

Shqyrtimi i kundervajtjeve administrative

1. Per te marre vendimet pas shqyrtimit te kundervajtjeve administrative sipas nenit 39 dhe te sanksioneve plotesuese sipas nenit 40, ministri krijon nje Komision te perhershem prane Ministrise.

2. Komisioni perbehet nga nje numur tek personash dhe merr vendime me shumice votash, pas shqyrtimit te kundervajtjeve administrative sipas ketij ligji ose akteve nenligjore per zbatimin e tij, si dhe per zbatimin e sanksioneve plotesuese.

3. Komisioni therret, me njoftim paraprak, personat fajtores per kryerjen e kundervajtjes ne baze te procesverbalit sipas nenit 37. Procedura e gjykimit para Komisionit zhvillohet ne baze te ligjit ne fuqi "Per kundervajtjet administrative".

NENI 44

Ankimi ne gjykate

Kunder cdo denimi te dhene nga Komisioni sipas nenit 43 mund te behet ankim ne gjykate.

KREU XI

DISPOZITA TE FUNDIT

NENI 45

Shfuqizimet

Ligji nr.6071 date 25.12.1979 "Per ekonomine e peshkimit", shfuqizohet si dhe cdo dispozite tjeter qe bie ne kundershtrim me kete ligj, shfuqizohen

NENI 46

Dispozita te perkohshme

Ministria, brenda 3 muajve nga data e hyrjes ne fuqi e ketij ligji, te nxjerre nje rregullore per zbatimin e tij.

NENI 47

Ky Ligj hyn ne fuqi pesembedhjete dite pas botimit ne Fletoren Zyrtare.

Shpallur me dekretin nr.1066, date 18.4.1995 te Presidentit te Republikes se Shqiperise, Sali Berisha.